

元和郡縣志卷二十六

唐 李吉甫 撰

江南道

一 **案**唐書地理志江南道之前有淮南道首揚州即廣陵郡其縣曰江都江陽公

合海陵高郵揚子天長次楚州即淮陰郡其縣曰

山陽鹽城寶應淮陰次徐州即永陽郡其縣曰清

流全椒永陽次和州即歷陽郡其縣曰壽春安豐盛唐霍

含山次壽州即壽春郡其縣曰壽春安豐盛唐霍

丘霍山次廬州即廬江郡其縣曰合肥曰慎曰巢

曰廬江舒城次舒州即同安郡其縣曰懷寧宿松

望江太湖桐城又其次為光蘄安黃申玉州是志

以申光二州列河南道蔡州之後安黃蘄三州列

江南道鄂沔二州之後與唐書方鎮表元和初年

蔡州節度使鄂岳觀察使所領州相合而場楚滁

和壽廬舒七州則其時固仍隸淮南節度

元和郡縣志

卷三

潤州 丹陽上

開元戶九萬一千六百三十五

鄉一百

元和戶五萬五千四百

鄉八十

墾田六千七百二十七頃

案前各府州據此潤

州類推其戶鄉數及都管戶數後皆有墾田數而

傳寫 缺佚

今為浙西觀察使理所

管潤州常州蘇州杭州湖

都管戶三十一萬三千七百七十二
墾田五萬七千九百三十二頃

本春秋吳之朱方邑始皇改為丹徒漢初為荊國劉賈所封後漢獻帝建安十四年孫權自吳理丹徒號曰京城今州是也十六年遷都建業以此為京口鎮按州理

或古名京城說者以爲荆王劉賈嘗都之或曰孫權居之故名京城今按荆字旣不同又孫權未稱尊號已名爲京則兩說皆非也按京者人力所爲絕高丘也亦有邦人力所爲者案亦有一人力所爲者若公孫瓚所築

易京是也非人力所爲者滎陽京索是也今地名徐陵卽此京非人力所爲也京上郡城城前浦口卽是京口吳志曰漢獻帝興平二年長沙桓王孫策創業江東使將軍孫何領兵屯京地是也吳志又云魏將臧霸以輕船五百敢死萬人襲徐陵攻燒城塹卽吳時或稱京城

元和郡縣志

卷三六

二

或稱徐陵或稱丹徒其實一也晉永嘉亂後幽冀青并兗五州流人過江者多僑居此處吳晉以後皆爲重鎮晉咸和中郗鑒自廣陵鎮于此爲僑徐州所理昇平二年徐州刺史北鎮下邳京口常有留局後徐州寄理建業又爲南兗州後又爲南徐州隋開皇九年賀若弼自廣陵來襲陷之遂滅陳廢南徐州改爲延陵鎮十五年罷鎮置潤州城東有潤浦口因以名隋氏喪亂杜伏威竊據其地武德三年伏威歸化六年輔公祏叛復據其地七年平公祏依前置州其城吳初築也晉王恭爲刺

史改創西南樓名萬歲樓西北樓名芙蓉樓

州境東西三百八里
南北一百九十里

八到西北至上都二千六百七十里
西北至東都一千八百一十里
東南至常州一百七十里
北渡江至揚州七十里
正北微西至宣州四百里

東南至常州一百七十里
北渡江至揚州七十里
正北微西至宣州四百里

貢賦開元貢
雜藥
絲紵
紋綾
布

自貞元以後觀察使王偉李錡相繼兼領鹽務其進奉與揚州益州相北元和以後稍革

管縣六

丹徒 丹陽 金壇 延陵 上元 句容

元和郡縣志 卷三

丹徒縣望郭下

本朱方地後名谷陽春秋魯襄二十八年齊慶封奔吳吳與之朱方聚族而居之富于其舊後楚靈王使屈申圍慶封于朱方克之盡滅其族卽此地初秦以其地有王氣始皇遣赭衣徒三千人鑿破長隴故名丹徒北固山在縣北一里下臨長江其勢險固因以為名蔡謨謝安作鎮竝于山上作府庫儲軍實宋高祖云作鎮作固誠有其緒然北望海口實為壯觀以理而推固宜為顧江今闊一十八里春秋朔望有奔濤魏文帝東征

孫氏臨江歎曰固天所以限南北也

蒜山在縣西九里山臨江絕壁晉安帝時海賊孫恩至丹徒戰卒十萬率衆登山鼓譟動地引陣南出欲向京城時宋武帝衆無一旅率所領橫擊大破之山多澤蒜因以爲名

互父山在縣西北十里晉破苻堅獲互賊置此山下因以爲名今土俗亦謂之金山

虎窟山一名招隱山在縣西南九里卽隱士戴顓之所居也

元和郡縣志

卷五

四

東浦亦謂之潤浦在縣東二里北流入江隋置潤州取此浦爲名也

永興寧陵在縣東南三十五里宋武帝追尊曰孝皇帝諱翹初仕郡爲功曹

丹陽縣

望西北至州六十四里

本舊雲陽縣秦時望氣者云有王氣故鑿之以敗其勢截其直道使之阿曲故曰曲阿武德五年曾于縣置簡州八年廢天寶元年改爲丹陽縣

劉繇城在縣西南二百四十步漢末繇爲揚州刺史揚

州舊理壽春是時已爲袁術所據故繇來建城號令江南衆數萬人後孫策東略繇奔豫章

虔亭壘在縣東四十七里本蘇峻將管商攻略晉陵郗道微以此地東據要路北當武進故遣督護李閔築此拒之今置埭

練湖在縣北百二十步周迴四十里晉時陳敏爲亂據有江東務修耕績令弟諧遏馬林溪以溉雲陽亦謂之練塘溉田數百頃

新豐湖在縣東北三十里晉元帝大興四年晉陵內史元和郡縣志

卷五

五

張闔所立舊晉陵地廣人稀且少陂渠田多惡穢闔創湖成溉灌之利初以勞役免官後追紀其功超爲大司農

南齊宣帝休安陵在縣北二十八里高帝父也追尊爲宣皇帝

高帝道成泰安陵在縣缺三十一里

武帝蹟景安陵在縣東二十二里

景帝道生永安陵在縣東北二十六里明帝父也追尊爲景皇帝

明帝鸞與安陵在縣東北二十四里

梁文帝順之建陵在縣缺二十五里武帝父也追尊爲

文皇帝

武帝衍修陵在縣東三十一里貞觀十一年詔令百步
禁樵採

簡文帝綱莊陵在縣東二十七里

金壇縣緊西北至州一百四十里

本漢曲阿縣地隋于此置金山府隋末亂離鄉人自立
爲金山縣武德八年廢垂拱二年又置縣以婺州有金

元和郡縣志

卷五

六

山改名金壇

延陵縣緊東至州一百里

晉太康二年分曲阿之延陵鄉置延陵縣蓋因季子以
立名也又漢地理志季子所居在今毗陵本名延陵至
漢始改然今縣北見有其祠或當時采地所及其地亦
曰連陵

茅山在縣西南三十五里三茅得道之所事具仙經不
錄

古神亭在縣西北二十五里初孫策與太史慈遇于神

亭卽此地也吳志曰太史慈渡江到曲阿見劉繇會孫策至繇使慈覘輕重獨與一騎卒遇于神亭策從騎十二皆韓當宋謙黃蓋輩也慈便前鬪策刺慈馬得慈項上手戟慈亦得策兜鍪會兩家兵騎來赴遂各解散後策獲慈解縛捉手曰寧識神亭時耶是時卿得我如何慈曰未可量也策乃大笑

上元縣

緊東北至州一百八十里

本金陵地秦始皇時望氣者云五百年後金陵有都邑之氣故始皇東遊以厭之改其地曰秣陵塹北山以絕元和郡縣志

卷三

七

其勢及孫權之稱號自謂當之孫盛以爲始皇逮于孫氏四百三十七載攷其歷數猶爲未及晉之渡江乃五百二十六年遂定都焉隋開皇九年平陳于石頭城置蔣州以江寧縣屬焉武德三年杜伏威歸化改江寧爲歸化縣九年改爲白下縣屬潤州貞觀九年又改白下爲江寧至德二年于縣置江寧郡乾元元年改爲昇州兼置浙西節度使上元二年廢昇州仍改江寧爲上元縣

鍾山在縣東北一十八里

東北各本訛作西北今據次條覆舟山在西足訂正

按輿地志古金陵山也邑縣之名皆由此而立吳大帝時蔣子文發神異于此封之爲蔣侯改山曰蔣山宋復名鍾山梁武帝于西麓置愛敬寺江表上巳常遊于此爲衆山之傑

覆舟山在縣東北十里鍾山西足也形如覆舟故名宋元嘉中改名立武山以爲樂遊苑初桓立作亂使下範之屯覆舟山西粟餘二萬宋高祖率義師食畢棄其餘糧躬先士卒以擊之範之等一時土崩

牛頭山在縣南四十里山有二峯東西相對名爲雙闕元和郡縣志

卷三

八

晉氏初過江無闕王導指山鑿兩峯卽此名天闕山方山在縣東南七十里秦鑿金陵以斷其勢方石山坳

居僞是所斷之處也

三山在縣西南五十里晉王濬伐吳宿于牛渚部分明日前至三山卽此也

四望山在縣西北八里晉溫嶠伐蘇峻于四望山築壘以逼賊是也

蔡洲在縣西十二里江中晉盧循作亂戰士十餘萬舟艦數百里連旗而下宋高祖登石頭以望循軍初循引

向新亭公顧左右失色既而迴泊蔡洲公曰此成擒耳
俄而循大敗而走

淮水源出縣南華山在丹陽湖孰兩縣界西北流經秣
陵建康二縣之間入于江初王敦構亂王導憂將覆族
使郭璞筮之璞曰淮水絕王氏滅卽此淮也

玄武湖在縣北十里周迴二十五里

婁湖縣東南五里吳張昭所創溉田數十頃周迴七里
昭封婁侯故謂之婁湖宋時爲苑

晉故臺城在縣東北五里成帝時蘇峻作亂焚燒宮室
元和郡縣志
都盡溫嶠以下咸議遷都惟王導固爭不許咸和六年
使王彬營造七年帝遷于新宮卽此城也

揚州故理在縣東百步後漢末又理壽春劉繇爲揚州
刺史始移理曲阿吳長沙桓王孫策定江東置揚州于
建業其州廡王敦及王導所創也後會稽王道子于東
府城領州故亦號此爲西州及隋平陳又于石城置蔣
州移揚州于江北之江都焉

丹陽郡故城在縣東南五里初爲丹陽內史後改爲尹
石頭城在縣西四里卽楚之金陵城也吳改爲石頭城

建安十六年吳大帝修築以貯財寶軍器有戍吳都賦云戎車盈于石城是也諸葛亮云鍾山龍盤石城虎踞言其形之險固也

秣陵故縣在縣東南四里本金陵地也秦改爲秣陵湖孰故縣在縣東南七十里

越城在縣南六里本東甌越王所立也吳王濞敗先趨此城後保丹徒郭璞行于途中贈白衣人袴褶亦此城也

建康故城在縣南三里建安中改秣陵爲建業晉復爲元和郡縣志

卷五

十

秣陵武帝又分秣陵水北爲建業避愍帝諱改名建康東府城在縣東七里其地西則簡文帝爲會稽王時邸第東則丞相會稽王道子府謝安薨道子代領揚州仍前府舍故稱爲東府而謂揚州解爲西州謝惠連祭冥漠君文卽因修此府之城牆所爲也

輔公祏城在縣東七里其地本齊文惠太子苑地也公祏構亂築以爲城其年公祏平城遂毀廢

賀若弼壘在縣北二十里隋平陳弼過江于蔣山龍尾

築壘

韓擒虎壘在縣西四里隋平陳樹碑其文薛道衡之詞
武德七年趙郡王孝恭平輔公祐樹碑紀功與此碑相
對李百藥之詞

吳六帝蔣陵在縣北二十二里

晉元帝睿建平陵明帝紹武平陵成帝衍興平陵並在
縣北六里雞籠山

康帝岳崇平陵在縣東北二十里蔣山西南

哀帝丕安平陵在縣北六里雞籠山南

簡文帝昱高平陵孝武帝昌明隆平陵安帝德宗休平

元和郡縣志

卷六

十一

陵恭帝德文冲平陵並在縣東北二十里蔣山西南

宋武帝劉裕初宣陵文帝義隆長宣陵並在縣東北二
十二里蔣山東南

孝武帝駿景宣陵在縣西南四十里巖山

明帝或高宣陵在縣北十九里幕府山東南

陳武帝霸先萬安陵在縣東三十八里方山西北貞觀
十一年詔百步內禁樵採

文帝蒨永寧陵在縣東北四十里蔣山東北

宣帝頊顯寧陵在縣南四十里牛頭山西北

梁昭明太子安陵在縣東北五十四里查劄山

晉王導墓在縣西北十四里幕府山西

謝安墓在縣東南十里石子岡北

句容縣

緊東北至州二百里

漢舊縣也晉元帝興于江左為畿內第二品縣縣有茅山本名句曲以山形似已字句曲有所容故號句容

赤山湖在縣南三十五里

茅山在縣東南六十里

竹里山在縣北六十里王塗所經塗甚傾險行者號為

元和郡縣志

卷五

三

翻車峴山間有長澗高下深阻舊說云似洛陽金谷宋武帝初起自京口至江乘破桓玄將吳甫之于竹里移檄京師即此處也

銅冶山在縣北六十五里山出銅鉛歷代採鑄

常州

晉陵緊

開元戶九萬六千四百七十五
元和戶五萬四千七百六十七

鄉一白八十七
鄉數傳寫缺

禹貢揚州之地春秋時屬吳延陵季子之采邑漢改曰毗陵晉東海王越謫于毗陵元帝以避諱改為晉陵郡

宋齊因之隋開皇九年平陳廢郡于常熟縣置常州因

縣為名後割常熟縣入蘇州移常州理于晉陵縣隋亂

陷于寇境武德七年平仍舊置常州

州境東西二百一十二里
南北二百九十里

八到西北至上都二千八百四十五里
西北至東都一千九百八十里
東南至蘇州一百九十里
正南微西至湖州私路二百里

西南至古宣州五百里
西北至潤州一百七十里

貢賦 開元貢 賦 細絳 紅紫二色 絛布 紙六十張

管縣五

晉陵

武進 江陰 無錫 義興

元和郡縣志

卷三

十三

晉陵縣望郭下

春秋時延陵漢之毗陵也後與郡俱改為晉陵季札所

居也墓在本縣北七十里申浦之西

武進縣望郭下

吳大帝改丹徒為武進晉武帝復改武進曰丹徒曲阿

案此曲阿二字疑上下有缺文攷後書郡國志丹徒

曲阿本為吳郡十三城之二晉書地理志則丹徒曲阿

武進為毗陵郡七縣之三且注云丹徒故別置武進縣

朱方曲阿故雲陽是各為一縣未嘗併合
于丹陽縣東五十里梁武帝改武進為蘭陵入晉陵垂

拱二年又析晉陵西界立武進縣于州理

江陰縣

緊東南至州五十里

本漢毗陵縣之漑陽鄉晉太康二年置漑陽縣梁敬帝置江陰縣郡隋開皇九年罷郡縣屬常州

無錫縣

望西北至州九十六里

漢舊縣也東三十九里有梅里山吳太伯葬處

義興縣

緊北至州一百二十里

本漢陽羨縣故城在荆溪南晉惠帝時妖賊石水寇亂揚土縣人周玘創義討水割吳興之陽羨并長城縣之北鄉為義興郡以表玘功隋開皇九年平陳廢郡為義

元和郡縣志

卷六

十四

興縣

荆溪是周處斬蛟處

蘇州

吳郡緊

開元戶六萬八千九十三
元和戶一十萬八百八

鄉一百一十八
案鄉數傳寫缺

禹貢揚州之地周時為吳國太伯初置城在今吳縣西北五十里至闔閭遷都于此後為越所并楚滅越而封黃歇于吳秦置會稽郡二十六縣于吳項羽初起殺會稽太守殷通即此也漢亦為會稽郡後漢順帝永建四年陽羨令周喜山陰令殷重上書求分為二郡遂割浙

江以東爲會稽浙江以西爲吳郡孫氏創業亦肇迹于此歷晉至陳不改常爲吳郡與吳興丹陽號爲三吳隋開皇九年平陳改爲蘇州因姑蘇山爲名山在州西四十里其上闔閭起臺外郭城云是伍胥所築周迴四十七里

州境

東西四百四十一里
南北四百九十八里

八到

西北至上都三千三十里
西北至東都二千一百七十里
南至杭州三百七十里
正南微西至湖州二百一十里
東北至海三百三十里
西北至常州一百九十里

元和郡縣志

卷五

十五

貢賦

開元貢

白石脂

蛇牀子

織布

元和貢

絲葛十匹
蛇牀子三升

白石脂三十斤

管縣七

吳 長洲 嘉興 海鹽 常熟 崑山

華亭

吳縣

望郭下

本吳國闔閭所都秦置縣

太湖在縣西南五十里禹貢謂之震澤周禮謂之具區

湖中有山名洞庭山

虎丘山在縣西北八里吳越春秋云闔閭葬于此秦皇鑿其珍異莫知所在孫權穿之亦無所得其鑿處今成深澗

松江在縣南五十里經崑山入海左傳云越伐吳軍于笠澤卽此江

長洲縣

望郭下

本萬歲通天元年析吳縣置取長洲苑爲名苑在縣西南七十里

嘉興縣

望北至州一百四十七里

元和郡縣志

卷五

六

本春秋時長水縣秦爲由拳縣漢因之吳時有嘉禾生改名禾興縣後以孫皓父名改爲嘉興縣也

海鹽縣

上西北至州二百二十七里

本秦縣漢因之其後縣城陷爲柘湖移于武原鄉後又陷爲當湖移置山旁隋開皇九年廢縣北屬杭州武德七年地入嘉興開元五年刺史張庭珪又奏置

常熟縣

緊南至州一百里

本漢吳縣地梁大同六年置常熟縣武德七年移理海鹽虞城今縣是也

崑山縣 緊西至州八十里

本秦漢婁縣其城吳子壽夢所築梁分置信義縣又分信義置崑山縣因縣有崑山故取名焉

華亭縣 上西至州二百七十里

天寶十年吳郡太守趙居貞奏割崑山嘉興海鹽三縣置

華亭谷在縣西三十五里陸遜陸抗宅在其側遜封華亭侯陸機云華亭鶴唳此地是也

杭州 餘杭上

元和郡縣志

卷五

七

開元戶八萬四千二百五十二
元和戶五萬一千二百七十六

鄉一百八十八
案鄉數傳寫缺

禹貢揚州之域春秋時為吳越二國之境其地本名錢

塘史記云秦始皇東遊至錢塘臨浙江是也漢屬會稽

吳志注云西部都尉理所陳禎明中置錢塘郡隋平陳

廢郡為州

州境 東西五百五十四里
南北八十九里

八到 西北至上都三千四百里
西北至東都二千五百四十里

東南取浙江至越州一百三十里
西南至睦州三百一十五里

西至歙州四百七十里
西北至宣州四百九十六里

貢賦

北至蘇州三百七十里
東北至浙江入海處約一百里
開元貢 黃藤紙 橘 黃連 緋綾 紋紗
賦 紵布
元和貢 白編綾一十二匹

管縣八

錢塘 餘杭 臨安 富陽 於潛 鹽官

新城 唐山

錢塘縣 緊郭

本漢舊縣也錢塘記云昔州境逼近海縣理靈隱山下今餘址猶存郡議曹華信乃立塘以防海水募有能致

元和郡縣志

卷三

六

土石者即與錢及塘成縣境蒙利乃遷理此地于是改為錢塘按華信漢時為郡議曹據史記始皇至錢塘臨浙江秦時已有此名疑所說為謬隋平陳以後縣頻遷置貞觀四年定于今所

靈隱山在州西北一十七里

界石山在州西南四十九里

浙江在縣南一十二里莊子云浙河即謂浙江蓋取其曲折為名江源自歙州界東北流經界石山又東北經州理北又東北流入于海江濤每日晝夜再上常以月

十日二十五日最小月三日十八日極大小則水漸漲不過數尺大則濤湧高至數丈每年八月十八日數百里士女共觀舟人漁子泝潮觸浪謂之弄濤餘杭縣緊東南至州七十里

本吳地吳興記云秦始皇三十七年將上會稽塗出此地因立爲縣捨舟航于此仍以爲名

由拳山晉隱士郭文舉所居旁有由拳材出好勝紙臨安縣緊東南至州一百二十八里

本吳大帝分餘杭縣立臨水縣晉改爲臨安隋亂廢置元和郡縣志

卷三

五

無準垂拱四年巡撫使狄仁傑復奏置

富陽縣緊東北至州七十三里

本漢富春縣屬會稽郡晉孝武帝太元中避鄭太后諱改春爲陽吳孫堅父子卽此縣人縣有王洲出橘爲江東之最今見進供

湖泐山在縣西南五十里甚幽邃重疊險遠每時有擾攘人皆逃避于此山

於潛縣緊東至州二百里

本漢舊縣也縣西有替山因以爲名舊替字無水至隋

加水焉武德七年置潛州領於潛臨水二縣八年廢州縣屬杭州

天目山在縣理北六十里有兩峯峯頂各一池左右相對名曰天目

鹽官縣

上東南至州一百三十里

本漢舊縣有鹽官吳志云孫權為將軍陸遜始仕幕府出為屯田都尉即此地也武德七年省入錢塘縣貞觀四年復置

海水在縣南七里

元和郡縣志

卷六

二十

臨平湖在縣西五十五里溉田三百餘頃

新城縣

上東北至州一百三十二里

本漢富春縣地永淳元年分富春西境置

唐山縣

中東至州二百四十八里

漢於潛縣地萬歲通天元年置武隆縣神龍元年改為

唐山縣

湖州 吳興上

開元戶六萬一千一百三十三
元和戶四萬三千四百六十七

鄉一百二十二
案鄉數傳寫缺

禹貢揚州之域防風氏之國秦始皇徙越人于此吳歸

命侯置吳興郡梁紹泰初改吳興郡為震州蓋取震澤
為名陳初罷震州復為吳興郡隋平陳廢吳興郡仁壽
二年于此置湖州

州境

東西三百八里
南北二百一十三里

八到

西北至上都二千二百四十里
西北至東都二千二百四十里
東至杭州私路一百九十里
東北至蘇州二百一十里
東北至常州私路三百里
正西至微北至宣州三百七十里

貢賦

開元貢 絲布
元和貢 布三十三端
賦 繼杭米 紬布

元和郡縣志

卷六

三

管縣五

烏程 長城 安吉 武康 德清

烏程縣

望郭下

本秦舊縣越絕云始皇至會稽徙於越之人于烏程吳
興記云吳景帝封孫皓為烏程侯及皓即位改葬父和
于此遂立為吳興郡

霅溪水一名大溪水一名茗溪水西南自長城安吉兩
縣東北流至州南與餘不溪水苕溪水合又流入于太
湖在州北三十五里

吳興塘太守沈攸之所建灌田二千餘頃

長城縣 緊東南至州七十里

本漢烏程縣地晉武帝太康三年分其地置長城縣昔
闔閭使弟夫槩居此築城狹而長因以爲名

顧山縣西北四十二里貞元以後每歲以進奉顧山紫
筍茶役工三萬人累月方畢

若溪水釀酒甚醲俗稱若下酒

安吉縣 上東北至州一百四十里

本漢故鄣縣地漢靈帝中平二年張角作亂荆揚尤甚

元和郡縣志

卷三

三

惟此郡守險阻固漢朝嘉之故分立爲縣

武康縣 上東北至州一百五里

本漢烏程餘不鄉之地漢末童謠云天子當興于東南
三餘之間故吳大帝改會稽之餘暨爲永興而分餘不
鄉置永安縣屬吳興晉平吳改爲武康

封山在縣東南十八里卽家語云封嶠之山防風氏之
國也

德清縣 上北至州一百五里

天授二年析武康鄉置武原縣景雲二年改爲臨溪縣

以臨餘不溪也天寶元年又改爲德清縣

睦州 新安上

開元戶五萬五千五百一十六
元和戶九千五十四 **案**開元元和鄉數傳寫缺

禹貢揚州之域春秋時迭入吳越秦屬丹陽郡爲歙縣
後漢建安十三年吳大帝遣中郎將賀齊討歙縣山賊
平定分歙爲始新新安黎陽休陽四縣與歙縣凡六縣
立新都郡理始新縣晉武帝太康元年改新都爲新安
郡隋平陳廢新安郡析新安縣置睦州後又改爲遂安
郡隋氏喪亂陷于寇賊武德四年討平汪華改爲州取

元和郡縣志

卷三

三

俗阜人和內外輯睦爲義萬歲通天二年又自新安東
移一百六十五里理建德卽今州理是

州境

東西四百二十里
南北三百一十一里

八到

西北至上都三千七百一十五里
西北至東都二千八百五十五里

西北至衢州二百八十一里
西北至歙州三百七十里
東南至婺州一百六十里

貢賦

開元貢賦

交梭 石筴
絳 紵 布

元和貢

交梭二匹 竹簞

管縣六

建德 桐廬 遂安 清溪 分水 壽昌
建德縣 上郭下

本漢富春縣地吳黃武四年分置建德縣隋大業未改
爲鎮武德四年復改爲建德縣

浙江在州南十里又有東陽江東南自婺州界來至州
南注浙江

七里瀨在縣東北十里

桐廬縣 緊西南至州一百五里

本漢富春縣之桐溪鄉黃武四年分置桐廬縣以居桐

元和郡縣志

卷五

三

溪地因名

浙江在縣南一百四十步

桐廬江源出杭州於潛縣界天目山南流至縣東一里
入浙江

嚴子陵釣臺在縣西三十里浙江北岸也

遂安縣 上東北至州一百九十里

本漢歙縣地吳大帝使賀齊平黟歙于縣之南鄉安定
里置新安縣晉武太康元年改爲遂安

白石山在縣西七十里其山出白石英貢因以爲名

清溪縣 上東至州一百六十五里

黃武元年分歙縣東鄉置始新縣晉改爲雉山以縣南有雉山因名之隋開皇九年併爲新安縣仁壽中復爲雉山開元二年改爲還淳今改爲清溪

新安江自歙州黟縣界流入縣東流入浙江

分水縣 上東北至州一百八十五里

本桐廬之西境武德四年置七年省如意元年改置盛武縣神龍元年復改爲分水

壽昌縣 中東北至州一百一十里

元和郡縣志

卷三十六

三十五

本漢富春縣地吳分立新昌晉太康元年改爲壽昌皇朝因之